

96.9.7.(五) 正觀緣起

從後際苦，逆觀現法，前際苦集，絕緣識，識緣名色，譬如束蘆相依而得住立。於其中間，諸緣生法，皆非自作，亦非他作，非無因生。如是施設，名善建立諸緣生法無作用故。所以者何？

無常諸行，前際無故，後際無故，中際雖有，唯利那故。作用動轉約第一義都無所有，但依世俗暫假施設。

1. 後際空：無有諸行於未來世實有行聚自性安立。諸行生時，從彼而來，若有是事，彼不在生。於未來世，諸行自性已實有故。又不應有無常可得，既有可得，是故當知：諸行生時，無所從來，本無今有。

2. 前際空：無諸行於過去世有實行聚自性安立。已生已滅諸行往彼積集而住。若有是事，不廢施設諸行有滅，過去行聚自性儼然常安住故。若無有滅，彼無常性，應不可知。既有可知，是故諸行於正滅時，都無所積集而住。有已散滅，不待餘因自然滅坏。

3. 中際空：於剎那生滅行中，唯有諸行暫時可得，其中都無餘行可得，亦無別物。以無我故，
果性諸行空無受者，因性業行，空無作者。

4. 常空

5. 我空

6. 受者空

7. 作者空

是故說言：唯有諸法從眾緣生，說生諸法。又一切法都無作用，無有方法能生少法。

是故說言：此有故彼有，此生故彼生。但唯於彼因果法中，依世俗諦假立作用，豈說此法能生彼法。